



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvator Lib. Sententiarvm M. Petri Lombardi

Spina, Claudius de

Parisiis, 1551

30. de relationibus quæ co[n]ueniunt Deo extempore.

urn:nbn:de:hbz:466:1-38840

Et sic principium dicitur relatiuè ad omnia
quæ ex ipso sunt.

CAP. 3. *Pater eo principium & author Filij
est, quo Pater est.*

Avg. lib. 5. de Trinit. ostendit q̄ Pater Fi
lij principium dicitur, quia genuit eū. Ca. 14
Qua ergo notione est Pater, ea princi-
pium Filij dicitur, id est generatione: secun-
dum quam etiam dicitur author Filij. Vnde
Hilar. 4. de Trinit. ita ait, Ipse quo Pater di-
citur, eius quem genuit author ostenditur.

CAP. 4. *Pater & Filius sunt principiū Spi-
ritus sancti, idque eadem notione.*

Quum Pater & Filius sint principium
vnum Spiritus sancti, & Spiritus san-
ctus non aliter procedat ab vno
quàm ab altero: sanè intelligi potest Patrem
& Filium eadem relatione vel notione prin-
cipium dici Spiritus sancti: quæ nec est Pa-
ternitas aut Filiatio, sed nobis eius nomen
incognitum est.

DE RELATIONIBVS QVAE
conueniunt Deo ex tempore.

D I S T I N C T. Trigesimæ
C A P. Vnicum.

*Aliqua de Deo dicuntur ex tempore,
idque sine sui mutatione.*

Jul. 17. a

Sunt quædam quæ Deo conueniunt ex tempore sine sui mutatione, & relatiuè dicuntur secundum accidens: non quòd accidit Deo, sed creaturis: vt, Creator, Dominus, Refugium, datum vel donatum, &c.

Cap. 3 De his Aug. lib. 5. de Trinit. dicit: Creator relatiuè dicitur ad creaturam, sicut Dominus ad seruum, &c. Sicut autem non potest esse seruus, qui non habet dominum: sic nec dominus, qui non habet seruum.

Obiectio.

Sed dicet aliquis: Non est tantum dominus rerum quæ ex tempore cœperunt: sed etiam illius rei quæ non cœpit ex tempore, id est ipsius temporis, quod non cœpit ex tempore, quia non erat ante tempus quod inciperet. & ideo non cœpit esse dominus ex tempore.

Ad quod dici potest, quia licet non cœperit ex tempore dominus esse temporis: cœpit tamen esse dominus temporis, quia non semper fuit tempus. Et ipsius hominis ex tempore cœpit esse dominus, vt dicit Aug. lib. 5. de Tri. qui

Ca. 13. ostendit Deum sine sui mutatione ex tempore dici Dominum. Nummus enim cum dicitur, precium relatiuè dicitur: nec tamè mutatus est cum esse cœperit precium aut pignus. Si ergo nummus potest sine vlla sui mutatione dici toties relatiuè, vt neque cum incipit dici, neque cum desinit, nihil in eius natura vel forma, quæ nummus est, mutationis fiat: quanto faci-

Solutio.

Simile,
quo ostenditur in naturalibus relatio accidere alicui sine mutatione sua.

lius de illa incōmutabili Dei substantia debemus accipere, vt dicatur relatiuē ad creaturam: Vt ~~quamuis temporaliter incipiat dici, non tamen ipsi substantiæ Dei aliquid accidisse intelligatur: sed illi creaturæ ad quā dicitur.~~ Sicut refugium nostrum fit cū ad eum refugimus. Sic & Pater nō incipit esse, cū per eius gratiam regeneramur.

Hic potest solui quæstio, qua quæritur *Spiri. san. an Spiritus sanctus dicatur relatiuē ad se, vt datū vel donū, nō dicitur relatiuē ad se.* cū dicitur dari vel donari. Cui quæstioni respondentes, dicimus Spiritum sanctum dici datum vel donatum relatiuē & ad dātem, qui Pater est, cum Filio & Spiritu sancto: & ad illum cui datur. Quia non potest aliquid dici datum, nisi sit qui recipiat. Cū autem Spirit^o sanct^o dari à se, vel datus à se dicitur, relatiuē quidē dicitur ad illū cui dicitur, & est appellatio relatiua: & in illo cui datur mutatio, fit non in dante.

DE APPROPRIATIS.

DISTINCT. Trigesimæprimæ

CAP. Primum.

Aequalitas & similitudo in Diuinis non sunt relationes

Quia sicut simile sibi nihil est (Similitudo enim, ait Hil. sibi ipsi non est) ita & æquale sibi aliquid non dicitur: ac per hoc sicut simile, ita & æquale re-

Lib. 3.